

Тошкент Тиббиёт Академияси Тиббий педагогика факультети

Нормал ва патологик физиология кафедрасида ўтказилган

**Ўзбекистон Республикасининг Биринчи Президенти Ислон Абдуғаниевич Каримовнинг
порлоқ хотирасига бағишланган**

“Хотира дарси” баённомаси

Тошкент ш.

02.09.2017 йил

Қатнашдилар: кафедра мудири, профессор Б.У. Ирискулов, катта ўқитувчилар: З.Н. Бобоева, Р.Б. Тожибоева, ассистентлар: З.Х. Кодирова, Ф.А. Дустов ва тиббий-профилактика факультетининг 301 гуруҳ талабалари.

Кун тартиби: “Хотира дарси” мавзусини ўрганиш.

Сўзга чиқдилар: проф. Б.Ў. Ирискулов Ўзбекистоннинг биринчи Президенти муҳтарам Ислон Каримов 1989 йил 24 июнда республика ҳукуматининг мажлисида республика раҳбари сифатида ўтказган биринчи мажлисида “Биз бундан буён эскича яшолмаймиз ва бундай яшашга замоннинг ўзи йўл қўймайди” деган буюк ва қатъий баёнот ишга киришганлар.

Ислон Абдуғаниевич Каримов мустақил Ўзбекистон давлатининг асосчиси, юртимизни собиқ мустабид тузум қарамлигидан озод қилиб, уни замонавий асосда тараққий эттириш стратегиясини, дунёда “Ўзбек модели” деган ном билан тан олинган ривожланиш йўлини ишлаб чиққан, жаҳон миқёсида катта обрў-эътибор қозонган, буюк давлат ва сиёсат арбоби сифатида Ватанимиз тарихида ўчмас ва ёркин из қолдирди.



Халқимиз ўзининг қисқа муддат – 26 йилда эришган барча ютуқ ва марраларини айнан Президент Ислон Каримов номи билан боғлайди ва шу улуғ инсоннинг беқиёс хизматлари деб кўради.

Мустақилликни қўлга киритиб, ночор иқтисодиётдан, номаъқул моделлардан бутунлай воз кечдик. Муҳтарам Президентимизнинг беш тамойилга асосланган “Ўзбек модели” бизни мана шундай фаровон кунларга олиб келди.



Юртимиз илгариги қолоқ, иқтисодиёти бирёқлама ривожланган, пахта яккаҳоқимлиги ҳалокатли даражада авж олган аграр ўлкадан бугунги кунда изчил тараққий этиб бораётган замонавий индустриал мамлакатга айланди. Ислоҳ Каримов томонидан пухта ишлаб чиқилган иқтисодий стратегия туфайли мамлакат иқтисодиётида саноатнинг улуши 34 фоизга етгани, экспорт таркибида тайёр маҳсулотлар улуши 70 фоиздан зиёдни ташкил этмоқда. Бугунги кунда иқтисодиётимизда етакчи ўринни эгаллаб турган нефть ва газ кимёси, нефть-газ машинасозлиги, автомобилсозлик, замонавий қурилиш материаллари саноати, темир йўл машинасозлиги, маиший электроника, фармацевтика, юқори технологияларга асосланган озиқ-овқат ва тўқимачилик саноати каби соҳа ва тармоқларнинг жадал ривожланаётгани илмий ва амалий жиҳатдан пухта амалга оширилган сиёсатнинг меваларидир.

Муҳтарам Ислоҳ Абдуғаниевичнинг босиб ўтган умр йўллари, мустақиллигимизни ҳимоя қилиш ва мустаҳкамлаш борасидаги тарихий хизматлари барчамиз учун, шу жумладан, мен учун ҳам энг ёрқин ибрат намунаси ва катта ҳаёт мактаби бўлиб қолади.



Буюқ устозимизнинг сиёсий мероси, у киши белгилаб берган тараққиётимизнинг асосий тамойиллари, устувор йўналишлар, мақсад ва вазифаларни сўзсиз ва тўлиқ амалга ошириш – биз учун ҳам қарз, ҳам фарздир.

Шавкат Мирзиёев мамлакатимиз мустақилликка эришган илк йиллардан бошлаб Ўзбекистон Республикасининг Биринчи Президенти Ислоҳ Каримовнинг юксак ишончини қозониб, унинг яқин сафдоши ва маслаҳатдоши сифатида самарали фаолият олиб бормоқда.

2016 йил 8 сентябрь куни Ўзбекистон Республикаси Олий Мажлиси Қонунчилик палатаси ва Сенатининг қўшма мажлисида парламент палаталарининг қўшма қарорига мувофиқ Ўзбекистон Республикаси Президентининг вазифа ва ваколатларини бажариш вақтинча Ўзбекистон Республикаси Бош вазири Ш.М.Мирзиёев зиммасига юкланди.

19 октябрь куни Тошкентда Тадбиркорлар ва ишбилармонлар ҳаракати — Ўзбекистон Либерал-демократик партиясининг VIII съезди бўлиб ўтди. Унда партия сиёсий кенгаши аъзоси Шавкат Миромонович Мирзиёев номзодини Президентликка тасдиқлаш тўғрисидаги қарор қабул қилинди. 2016 йил 4 декабрь куни бўлиб ўтган Президент сайлови якунлари бўйича сайловчиларнинг **88,61 фоиз овози** билан Ўзбекистон Республикаси Президенти этиб сайланди.

Ўзбекистонда халқнинг турли қатламдаги аҳолиси билан тўғридан тўғри мулоқот қиладиган аввал, Ўзбекистон Республикаси Бош Вазири кейин Ўзбекистон Республикаси Президентининг Халқ қабулхонаси электрон портали ишга тушди;

- **2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси** ва унинг ижро механизми амалиётга жорий қилиниб, Ҳаракатлар стратегиясини “Халқ билан мулоқот ва инсон манфаатлари йили”да амалга оширишга оид Давлат дастури доирасида тизимли ишлар амалга оширилмоқда;



Ўзбекистон Республикаси Президенти Шавкат Мирзиёев ўтган давр мобайнида мамлакатимизни ривожлантиришга қаратилган **20 дан ортиқ қонун, Президентнинг 180 дан ортиқ Фармони, 450 дан ортиқ қарорини** имзолади ва унинг ижроси Республикаимиз бўйлаб жадал амалга оширилмоқда

Кафедра мудири, профессор

Б.Ў. Ирискулов

Маънавият-маърифат ишлари

учун масъул

М.И. Жабборова